

398.

Die Land- und Markgrafen Friedrich IV., Wilhelm II. und Friedrich der Jüngere verkaufen den Burggrafen Johann III. und Friedrich VI. von Nürnberg das Schloß Thierstein und den Markt Thiersheim.
(Altenburg), 1415 Okt. 12 (13).

- 5 *Hdschr.: Or. Perg. Kreisarchiv Bamberg Rep. 11 II S. 179 No. 1. Die 3 SS., für welche Einschnitte im Perg. vorhanden sind, fehlen; von den beiden ersten sind die Pergamentstr. erhalten. — Gleichzeit. Abschriften Hauptstaatsarchiv Dresden Cop. 15 fol. 13^b und Cop. 37 fol. 61^b.
Gedr.: Horn Friedrich der Streitbare 817 (nach Cop. 15). — Monumenta Zollerana 7, 340 (nach Or.).*

Wir Friderich der elder, wir Wilhelm sin bruder und wir Friderich der iunger
10 ir vetter von gotis gnaden landgraven in Doringen und marcgraven zcu Missen bekennen —
vor uns, alle unser erben und nachkomen, daz wir mit wolbedachtem voreintem mute,
guter vorbetrachtung, rate und willen unser frunde und rete, von merglichir anligender^a)
sache wegen uns darczu bewegende zcu rechter urtete und ewiglichin recht und rede-
lichin vorkaufft und zcu kouffen gegeben haben den hochgeborn fursten unsern liben
15 ohemen herren Iohansen und herren Friderichen burgraven zcu Norenberg und allen
iren erben und nachkommen unser^b) sloz Tirstein und den margt Tirsheim mit allen und
iglichenn iren nuczzen, eren, rechten und zcugehorenden, lenschefften geistlichin und
wertlichin, manschefften, gerichtten, mergten, dorffern, weylern, hofen, hemern, berg-
werken, egkern, feldern, wesen, welden, holczern, wiltpanen, geiegeden, vischeryen,
20 weyern, tichen, wassern, wasserloufften, molen, molsteten^c), wunnen, weyden, stogken,
steinen und reynen, mit herlikeiten, friheiten, geleiten, zcollen, renten, gulten, stüren,
fronen, beten, dinsten, wie daz namen had ader gehaben moge^d) und^e) wo daz gelegen
ist, ob^f) der erden und darunter, besucht und umbesucht, clein und groz, alz wir daz
alles bis uff disen hutigen tag genoczet, genossen, innegehabit, herbracht, besessen haben
25 und daz an uns komen ist, nichtis uzgenomen, vor eine summa geldis, der^g) sie uns wol
vermoget^h) und entricht haben ane geverde; vorkouffen und gebin yn daz zcu kouffe in
craftt dises brifes, alzo daz sie, ire erben und nachkomen daz alles furbazmerⁱ) ewiglichin
ynne haben, nuczzen, gnissen, beseczzen, entseczzen, kouffen, vorkouffen, keren und
wenden und damete tun und lassen sollen und mogen alz mit andern iren gutern nach
30 irem besten willen. Daz obengeschreiben unser sloz Tirstein, den margte Tirsheim mit
allen iren obingeschreiben nuczzen, rechten und zcugehorungen haben wir vor uns,
unser erben und nachkomen den^k) egenanten unsern ohemen den burgraven, iren erben
und nachkomen uffgegeben mit munde und mit hande und gebin yn daz uff mit disem
brife, alz sitlich und gewonlich ist und im rechten volkomelichin craftte und machte had
35 und haben sal an allen steten; und haben uns ouch daruff vorzigen, geussert und abe-
getan, vorzihen^l), ussern und tun uns abe vor uns, alle unser erben und nachkomen

398. a) angelender Or. b) unsers Or. c) mulsteinen Cop. 37. d) mag Or. e) adir Cop. 15. f) uff Cop. 15. g) des Cop. 15 u. 37. h) vornuoget (?) Cop. 15. i) furbaß Cop. 37. k) die Cop. 37. l) vorwisen Or.